



周禮卷第七

周禮卷第七

夏官司馬第四

周禮

鄭氏注

周禮卷第七

惟王建國辨方正位體國經野設官分職以爲民極乃立夏官司馬使帥其屬而掌邦政

以佐王平邦國

政正也政所以正不正者也孝經說曰政者正也正德名

道以行政官之屬大司馬卿一人小司馬中大

夫二人軍司馬下大夫四人輿司馬上士八人行司馬中士十有六人旅下士三十有二

人府六人史十有六人胥三十有二人徒三

百有二十人輿衆也行謂軍行列晉作凡制

軍萬有二千五百人為軍王六軍大國三軍

次國二軍小國一軍軍將皆命卿二千有五

百人為師師帥皆中大夫五百人為旅旅帥

皆下大夫百人為卒卒長皆上士二十五人

為兩兩司馬皆中士五人為伍伍皆有長師軍

旅卒兩伍皆衆名也伍一比兩一間卒一族

旅一黨師一州軍一鄉家所出一人將帥長

司馬者其師吏也言軍將皆命卿則凡軍帥

不特置選於六官六鄉之吏自鄉以下德任

者使兼官焉鄭司農云王六軍大國三軍次

國二軍小國一軍故春秋傳有大國次國小

國又曰成國不過半天子之軍周為六軍諸

侯之大者三軍可也詩大雅常武曰赫赫明

明王命卿士南仲大祖大師皇父整我六師

以修我戎既儆既戒惠此南國大雅文王曰

周王于邁六師及之此周為六軍之見于經

也春秋傳曰王使虢公命曲沃伯以一軍為

兩一軍則二府六史胥十人徒百人

司勳上士二人下士四人府二人史四人胥

二人徒二十人

故書勳作勳鄭司農云勳讀為勳勳功也此官主功賞故

曰掌六鄉賞地之法以等其功

馬質中士二人府一人史二人賈四人徒八

人質平也主買馬平其大小之賈直

量人下士二人府一人史四人徒八人

謂以丈尺度地

小子下士二人史一人徒八人

小子主祭祀之小事

羊人下士二人史一人賈二人徒八人

司燿下士二人徒六人

為燿燿為私火玄謂燿讀如予若觀火之觀今燕俗名湯熱為觀則燿火謂熱火與

掌固上士二人下士八人府二人史四人胥

四人徒四十人

國

司險中士二人下士四人史二人徒四十人

掌疆中士八人史四人胥十有六人徒百有

六十人

疆界也

侯人上士六人下士十有二人史六人徒百

有二十人候候迎賓客之來者

環人下士六人史二人徒十有二人環猶卻也

力卻敵

挈壺氏下士六人史二人徒十有二人挈讀如繫

髮之繫壺盛水器也世主挈壺水以為漏

射人下大夫二人上士四人下士八人府二

人史四人胥二人徒二十人

服不氏下士一人徒四人服不服不獸者

射鳥氏下士一人徒四人

羅氏下士一人徒八人能以羅罔捕鳥者郊特牲曰大羅氏天子

之掌鳥獸者

掌畜下士二人史二人胥二人徒二十人畜謂

歛而養之

司士下大夫二人中士六人下士十有二人

府二人史四人胥四人徒四十人

諸子下大夫二人中士四人府二人史二人

胥二人徒二十人諸子主公卿大夫士之子者或曰庶子

司右上士二人下士四人府四人史四人胥

八人徒八十人右謂有勇力之士充王車右

虎賁氏下大夫二人中士十有二人府二人

史八人胥八十人虎士八百人不言徒曰虎士則虎士徒

之選有勇力者旅賁氏中士二人下士十有六人史二人徒

八人

八人

節服氏下士八人徒四人世為王節所衣服

方相氏狂夫四人方相猶言放想可畏怖之貌

大僕下大夫二人小臣上士四人

祭僕中士六人

御僕下士十有二人府二人史四人胥二人

徒二十人僕侍御於尊者之名大僕其長也

隸僕下士二人府一人史二人胥四人徒四

十人此吏而曰隸以其事褻

弁師下士二人工四人工史二人徒四人弁者古冠

之大稱委貌緇布曰冠

司甲下大夫二人中士八人府四人史八人

胥八人徒八十人甲今之鎧也司甲兵戈盾官之長

司兵中士四人府二人史四人胥二人徒二

十人

司戈盾下士二人府一人史二人徒四人今戈

時句子戟

司弓矢下大夫二人中士八人府四人史八

人胥八人徒八十人司弓矢弓弩矢箛官之長

繕人上士二人下士四人府一人史二人胥

二人徒二十人繕之言勁也善也

橐人中士四人府二人史四人胥二人徒二

十人鄭司農云橐讀為芻橐之橐箭幹謂之橐此官主弓弩箭矢故謂之橐人

戎右中大夫二人上士二人古者參乘此充戎路之右田獵

亦為之
右馬

齊右下大夫二人充玉路金

道右上士二人充象路

大馭中大夫二人馭之最尊

戎僕中大夫二人馭言僕者此亦侍御於車

齊僕下大夫二人古者王將朝覲會同必齊所以敬宗廟及神明

道僕上士十有二人王朝朝莫夕主御王以與諸臣行先王之道

田僕上士十有二人

馭夫中士二十人下士四十人

校人中大夫二人上士四人下士十有六人

府四人史八人胥八人徒八十人校之為言校也主馬

者必仍校視之校人馬官之長

趣馬下士卓一人徒四人趣馬趣養馬者也鄭司農說以詩曰

蹶惟趣馬

巫馬下士二人醫四人府一人史二人賈二

人徒二十人巫馬知馬祖先牧馬社馬步之神者馬疾若有犯焉則知之是

以使與
醫同職

牧師下士四人胥四人徒四十人主牧放馬而養之

廋人下士閑二人史二人徒二十人廋之言數

圉師乘一人徒二人圉人良馬匹一人駑馬

麗一人養馬曰圉四馬為乘良善也麗耦也

職方氏中大夫四人下大夫八人中士十有

六人府四人史十有六人胥十有六人徒百

有六十人職主也主四方之職貢者職方氏主四方官之長

土方氏上士五人下士十人府二人史五人

胥五人徒五十人土方氏主四方邦國之土地

懷方氏中士八人府四人史四人胥四人徒

四十人懷來也主來四方之民及其物

合方氏中士八人府四人史四人胥四人徒

四十人合方氏主合同四方之事

訓方氏中士四人府四人史四人胥四人徒

四十人訓道也主教道四方之民

形方氏中士四人府四人史四人胥四人徒

四十人形方氏主制四方邦國之形體

山師中士二人下士四人府二人史四人胥

四人徒四十人

川師中士二人下士四人府二人史四人胥

四人徒四十人

邊師中士四人下士八人府四人史八人胥

八人徒八十人邊地之廣平者

匡人中士四人史四人徒八人匡正也主正諸侯以法則

下 擯人中士四人史四人徒八人擯人主擯序王意以語天

都司馬每都上士二人中士四人下士八人

府二人史八人胥八人徒八十人都王子弟所封及三

公采地也司馬主其軍賦

家司馬各使其臣以正於公司馬家卿大夫采地正猶

聽也公司馬國司馬也卿大夫之采地王不特置司馬各自使其家臣為司馬主其地之

軍賦往聽政於王之司馬王之司馬其以王命來有事則曰國司馬

大司馬之職掌建邦國之九灋以佐王平邦

國正也制畿封國以正邦國封謂立封於疆為界設

儀辨位以等邦國儀謂諸侯及諸臣之儀進

賢興功以作邦國興猶舉也作起也起其勸善樂業之心使不惰廢

建牧立監以維邦國牧州牧也監監一國謂君也維猶聯結也制

軍詰禁以糾邦國詰猶窮治也施貢分職以

任邦國職謂賦稅也任猶事也簡稽鄉民以用

邦國簡謂比數之稽猶計也均守平則以安邦國諸侯有土

地者均之尊者守大比小事大以和邦國比

早者守小則法也親使大國親小國小國事大國相合和以九

也易比象曰先王以建萬國親諸侯以九

伐之灋正邦國諸侯有違王命則出兵以征

國如樹木之有根馮弱犯寡則眚之馮猶乘

不字小而侵侮之眚猶人眚賊賢害民則伐

之春秋傳曰粗者曰侵精者曰伐又曰有鍾鼓曰伐則伐者兵入其竟鳴鍾鼓以往所

其罪暴內陵外則壇之內謂其國外謂諸侯壇王

霸記曰置之空墀之地鄭司農云壇讀從憚
之以威之憚書亦或為墀玄謂置之空墀以
出其君更立野荒民散則削之荒蕪也田不
治民不附削
其次賢者其地明其負固不服則侵之負猶恃也固險
不能有不賊殺不服不事大也侵之者兵加其竟而已
用兵淺者詩曰密人不恭敢距大邦其親則正之
正之者執而治其罪王霸記曰
其親則正之正殺之也春秋僖二十八年冬
晉人執衛侯歸之于放弑其君則殘之放逐
也殘
殺也王霸記曰犯令陵政則杜之令猶命也
王霸記曰
殘滅其為惡犯令者違命也陵政者輕政法不循外內亂
也杜之者杜塞使不得與鄰國交通

鳥獸行則滅之

王霸記曰悖人倫外內無以
異于禽獸不可親百姓則誅

滅去之也曲禮曰夫唯
禽獸無禮故父子聚麀

正月之吉始和布政

于邦國都鄙乃縣政象之灋于象魏使萬民

觀政象挾日而斂之

以正月朔日布王政於
天下至正歲又縣政法

之書挾日
十日也

乃以九畿之籍施邦國之政職方

千里曰國畿其外方五百里曰侯畿又其外

方五百里曰甸畿又其外方五百里曰男畿

又其外方五百里曰采畿又其外方五百里

曰衛畿又其外方五百里曰蠻畿又其外方

五百里曰夷畿又其外方五百里曰鎮畿又

其外方五百里曰蕃畿畿猶限也自王城以

限者九籍其禮差之書也政職所共王政之

職謂賦稅也故書畿為近鄭司農云近當言

畿春秋傳曰天子一畿列國一同凡令賦以

地與民制之上地食者參之二其民可用者

家三人中地食者半其民可用者二家五人

下地食者參之一其民可用者家二人賦給軍用

者也令邦國之賦亦以地之美惡民之衆寡

為制如六遂矣鄭司農云上地謂肥美田也

食者參之二假令一家有三頃歲種二頃休

其一頃下地食者參之一田薄惡者所休多

中春教振旅司馬以旗致民平列陳如戰之

陳以旗者立旗期民於其下也兵者守國之

備孔子曰以不教民戰是謂棄之兵者凶

事不可空設因蒐狩而習之凡師出曰治兵

入曰振振皆習戰也四時各教民以其一焉

春習振旅兵入收衆辨鼓鐸鑼鏡之用王執

專於農平猶正也路鼓諸侯執賁鼓軍將執晉鼓師帥執提旅

帥執鼙卒長執鐃兩司馬執鐸公司馬執鑼

同書七

鼓人職曰以路鼓鼓鬼享以賁鼓鼓軍事以晉鼓鼓金奏以金鑣止鼓以金鐸通鼓以金鐸節鼓鄭司農云辨鼓鐸鐸鐸之用謂鉦鐸之屬鐸讀如濁其源之濁鐸讀如謹曉之曉提讀如攝提之提謂馬上鼓有曲木提持鼓立馬髦上者故謂之提杜子春云公司馬謂五人為伍伍之司馬也玄謂王不執賁鼓尚之於諸侯也伍長謂之公司馬者雖卑同其號

以教坐作進退疾徐疏數之節習戰**遂以**

蒐田有司表貉誓民鼓遂圍禁火弊獻禽以

祭社春田為蒐有司大司徒也掌大田役治徒度之政令表貉立表而貉祭也誓民誓以犯田法之罰也誓曰無干軍無自後射立旌遂圍禁旌弊爭禽而不審者罰以假馬

禁者虞衡守禽之厲禁也既誓令鼓而圍之遂蒐田火弊火止也春田主用火因焚萊除陳草皆殺而火止獻猶致也屬也田止虞人植旌衆皆獻其所獲禽焉詩云言私其縱獻肩于公春田主祭社者土方施生也鄭司中農云貉讀為禡禡謂師祭也書亦或為禡

夏教芟舍如振旅之陳羣吏撰車徒讀書契

辨號名之用帥以門名縣鄙各以其名家以

號名鄉以州名野以邑名百官各象其事以

辨軍之夜事其他皆如振旅芟讀如萊沛之沛芟舍草止之也軍有草止之法撰讀曰算算車徒謂數擇之也讀書契以簿書校錄軍實之凡要號名

者徽識所以相別也鄉遂之屬謂之名家之
屬謂之號百官之屬謂之事在國以表朝位
在軍又象其制而為之被之以備死事帥謂
軍將及師帥旅帥至伍長也以門名者所被
徽識如其在門所樹者也凡此言以也象也
皆謂其制同耳軍將皆命卿古者軍將蓋為
營治於國門魯有東門襄仲宋有桐門右師
皆止鄉為軍將者也縣鄙謂縣正鄙師至鄰
長也家謂食采地者之臣也鄉以州名亦謂
州長至比長也野謂公邑大夫百官以其職
從王者此六者皆書其官與名氏焉門則襄
仲右師明矣鄉則南鄉甄東鄉為人是也其
他象此云某某之名某某之號某某之事而
已未盡聞也鄉遂大夫文錯不見以其素信
于民不為軍將或為諸帥是以闕焉夜事戒
夜守之事草止者慎於夜於是主別其部職

遂以苗田如蒐之灋車弊獻禽以享禘夏田為苗

擇取不孕任者若治苗去不秀實者云車弊
驅獸之車止也夏田主用車示所取物希皆
殺而車止王制曰天子殺則下大綏諸侯殺
則下小綏大夫殺則止佐車佐車止則百姓
田獵禘宗廟之夏祭也冬夏田主于中秋教
祭宗廟者陰陽始起象神之在內

治兵如振旅之陳辨旗物之用王載大常諸

侯載旂軍吏載旗師都載壇鄉遂載物郊野

載旄百官載旗各書其事與其號焉其他皆

如振旅軍吏諸軍帥也師都遂大夫也鄉遂

無所將也郊謂鄉遂之州長縣正以下也野謂公邑大夫載旒者以其將羨卒也百官卿大夫也載旗者以其屬衛王也凡旌旗有軍衆者畫異物無者帛而已書當爲畫事也號也皆畫

祀祊

秋田爲獮獮殺也羅弊罔止也秋田主用罔中殺者多也皆殺而罔止祊當爲

方聲

之誤也秋田主祭四方

報成

萬物詩曰以社以方

鼓鐸

夏辨號名秋辨旗物至冬大閱簡軍實

凡頒

旗物以出軍之旗則如秋以尊卑之常

則如

冬司常佐司馬時也大閱備軍

禮而

旌旗不如出軍之時空辟實

前期

羣吏鄉

吏戒

衆庶修戰灋

虞人

萊所田之野

爲表

百步則一爲三表又五十步爲一表田

之日

司馬建旗于後表之中羣吏以旗物鼓

鐸鑼

鏡各帥其民而致質明弊旗誅後至者

乃陳

車徒如戰之陳皆坐

草萊

令車得驅馳詩曰田卒沬萊玄謂萊芟

除可

陳之處後表之中五十步表之中央表

所以

識正行列也四表積二百五十步左右

之廣

當容三軍步數未聞致致之司馬質正

也弊

什也皆

坐當

聽誓

羣吏

聽誓于陳前斬牲以左右

徇陳

曰不用命者斬之

羣吏

諸軍帥也陳前

秋天子教于田獵以習五戎司徒擗扑北面以誓之此大閱禮實正歲之中冬而說季秋之政於周為中冬為月令者失之矣斬牲者小子也凡誓之大略甘誓湯誓之屬是也

中軍以鼙令鼓鼓人皆三鼓司馬振鐸羣吏

作旗車徒皆作鼓行鳴鑼車徒皆行及表乃

止三鼓攙鐸羣吏弊旗車徒皆坐中軍中軍之將也天

子六軍三三而居一偏羣吏既聽誓各復其部曲中軍之將令鼓鼓以作其士衆之氣也

鼓人者中軍之將師帥旅帥也司馬兩司馬也振鐸以作衆作起也既起鼓人擊鼓以行

之伍長鳴鐸以節之伍長一曰公司馬及表自後表前至第二表也三鼓者鼓人也鄭司

農云攙讀如弄玄謂如涿鹿之鹿掩上振之為攙攙者止行息氣也司馬法曰鼓聲不過

閶鼙聲不過闐鐸聲不過琅又三鼓振鐸作旗車徒皆作

鼓進鳴鑼車驟徒趨及表乃止坐作如初趨者

赴敵尚疾之漸也春秋傳曰先人有乃鼓車奪人之心及表自第二前至第三

馳徒走及表乃止及表自第三鼓戒三闕車

三發徒三刺鼓戒戒攻敵鼓壹闕車壹乃鼓

退鳴鏡且卻及表乃止坐作如初鏡所以止

長鳴鏡以和衆鼓人為止之也退自前表至後表鼓鐸則同習戰之禮出入一也異者廢

獨而遂以狩田以旌為左右和之門羣吏各
鳴鑣鑣帥其車徒以敘和出左右陳車徒有司平之
旗居卒間以分地前後有屯百步有司巡其
前後險野人為主易野車為主冬田為狩言
擇也軍門曰和今謂之壘門立兩旌以為之
敘和出用次第出和門也左右或出而左或
出而右有司平之鄉師居門正其出入之行
列也旗軍吏所載分地調其部曲疏數前後
有屯百步車徒異羣相去之數也車徒畢出
和門鄉師又巡其行陳鄭司農云險野人為
主人居前易野野既陳乃設驅逆之車有司表
車為主車居前

貉于陳前

驅驅出禽獸使趨田者也逆逆中
要不得令走設此車者田僕也

軍以鼙令鼓鼓人皆三鼓羣司馬振鐸車徒

皆作遂鼓行徒銜枚而進大獸公之小禽私

之獲者取左耳

羣司馬謂兩司馬也枚如著
銜之有繯結項中軍法止語

為相疑惑也進行也鄭司農云大獸公之輸
之於公小禽私之以自界也詩云言私其縱

獻肩于公一歲為縱二歲為豝三歲為特四
歲為肩五歲為慎此明其獻大者於公自取

其小者玄謂慎讀為麋爾雅曰豝生三曰豝
豝牝曰豝麋牝曰麋獲得也得禽獸者取左

耳當以及所弊鼓皆駮車徒皆譟鄭司農云
計功及所弊至

所弊之處玄謂至所弊之處田所當於止也
天子諸侯蒐狩有常至其常處吏士鼓譟象
攻敵剋勝而喜也疾雷擊鼓曰駘譟徒乃弊
謹也書曰前師乃鼓譟亦謂喜也

致禽饁獸于郊入獻禽以享烝徒乃弊徒止也冬田主用

衆物多衆得取也致禽饁獸于郊聚所獲禽
因以祭四方神於郊月令季秋天子既田命

主祠祭禽四方是也及師大合軍以行禁令
入又以禽祭宗廟

以救無辜伐有罪師所謂王巡守若會同司馬起師合軍以從所以威

天下行其政也不言若大師則掌其戒令泣大者未有敵不尚武

大卜帥執事泣釁主及軍器大師王出征伐也泣臨也臨大

卜卜出兵吉凶也司馬法曰上卜下謀是謂
參之主謂遷廟之主及社主在軍者也軍器
鼓鐸之屬凡師既受甲迎主于廟及社主及
祝奉以從殺牲以血塗主及軍器皆神之

致建大常比軍衆誅後至者比或作庀鄭司農云致謂聚衆

也庀具也玄謂致鄉師致及戰巡陳眡事而
民於司馬比校次之也

賞罰功事謂戰也若師有功則左執律右秉鉞以

先愷樂獻于社以功勝也律所以聽軍聲鉞所

曰愷獻于社獻功于社也司馬法曰得意則
愷樂愷歌示喜也鄭司農云故城濮之戰春

秋傳曰振旅若師不功則厭而奉主車鄭司農云

愷以入于晉

同書二

厭謂厭冠喪服也軍敗則以喪禮故秦伯之
敗於殽也春秋傳曰秦伯素服郊次鄉師而
哭玄謂厭伏冠也奉猶王弔勞士庶子則相
送也送主歸於廟與社師敗王親弔士庶子之死者勞其傷者則相
王之禮庶子卿大夫之子從軍者或謂之庶
士大役與慮事屬其植受其要以待攷而賞
誅大役築城邑也鄭司農云國有大役大司
馬與謀慮其事也植謂部曲將吏故宋城
春秋傳曰華元為植巡功屬謂聚會之也要
者簿書也考謂考校其功玄謂慮事者封人
也於有役司馬與之植築城大會同則帥士
楨也屬賦丈尺與其用人數大射則合諸侯
庶子而掌其政令從王若大射則合諸侯

之六耦

大射王將祭射于射宮以選賢也王射三侯以諸侯為六耦

大祭

祀饗食羞牲魚授其祭

牲魚魚牲也祭謂尸賓所以祭也鄭司農

云大司馬主進魚牲

大喪平士大夫

鄭司農云平一其服也玄謂平者正

其職與其位

喪祭奉詔馬牲

王喪之以馬祭者蓋遣奠也奉猶送也送

之至墓告而藏之

小司馬之職掌

此下字脫滅札爛又闕漢興求之不得遂無識其數者

凡小祭祀會同饗射師田喪紀掌其事如大

司馬之灋

軍司馬闕

輿司馬闕

行司馬闕

司勳掌六鄉賞地之灋以等其功賞地在遠郊

之內屬六鄉焉等猶差也以功大小為差王功曰勳輔成王業國

功曰功保全國家民功曰庸法施於民事功

曰勞以勞定國若禹治功曰力制法成治戰功曰多

剋敵出奇若韓信陳平凡有功者銘書於王

之大常祭於大烝司勳詔之銘之言名也生

識其人與其功也死則於烝先王祭之詔謂告其神以辭也般庚告其卿大夫曰茲予大

享于先王爾祖其從與享之大功司勳藏其

貳貳猶副也功書藏於天府掌賞地之政令

政令謂凡賞無常輕重眡功無常者功之凡

頒賞地參之一食鄭司農云不以美田為采

稅王食其一也唯加田無國正加田既賞之

所以厚恩也鄭司農云正謂稅也祿田亦有

給公家之賦貢若今時侯國有司農少府錢

穀矣獨加賞
之田無正耳

馬質掌質馬馬量三物一曰戎馬二曰田馬

三曰駑馬皆有物賈此三馬買以給官府之使無種也鄭司農曰皆

有物賈皆有網惡馬鄭司農云網讀為以亢物色及賈直其離之亢書亦或為亢

亢御也禁也禁去惡馬不畜也凡受馬於有玄謂網以縻索維網狎習之

司者書其齒毛與其賈馬死則旬之內更旬

之外入馬耳以其物更其外否鄭司農云更謂償也玄謂

旬之內死者償以齒毛與賈受之日淺養之惡也旬之外死入馬耳償以毛色不以齒賈

任之過其任也其外否者旬之外馬及行則

以任齊其行識其所載輕重及道里齊其勞逸乃復用之若有馬

訟則聽之訟謂賣買之言相負禁原蠶者原再也天文辰為馬蠶書

蠶為龍精月直大火則浴其種是蠶與馬同氣物莫能兩大禁再蠶者為傷馬與

量人掌建國之灋以分國為九州營國城郭

營后宮量市朝道巷門渠造都邑亦如之建

也立國有舊法式若匠人職云分國定天營下之國分也后君也言君容王與諸侯

軍之壘舍量其市朝州涂軍社之所里軍壁曰壘

鄭司農云量其市朝州涂還市朝而為道也
玄謂州一州之眾二千五百人為師每師一
處市也朝也州也皆有道以相邦國之地與
之軍社社主在軍者里居也

天下之涂數皆書而藏之書地謂方園山川
湊之遠近凡祭祀饗賓制其從獻脯燔之數量鄭

農云從獻者肉殺從酒也玄謂燔從於掌
獻酒之肉炙也數多少也量長短也
祭奠竈之俎實竈亦有俎實謂所包遣奠士

凡宰祭與鬱人受筭歷而皆飲之言宰祭者
祭亦容攝祭鄭司農云筭讀如嫁娶之嫁筭
器名明堂位曰爵夏后氏以琖殷以筭周以

爵玄謂筭讀如嘏
尸之嘏宰冢宰

小子掌祭祀羞羊肆羊殺肉豆鄭司農云羞

薦全烝也羊殺體解節折也肉豆者切肉而

掌珥于社稷祈于五祀故書祀祚禋鄭司農

為祀珥社稷以牲頭祭也玄謂珥讀為珥祈

或為創創創創者鬻禮之事也用毛牲曰創羽

春官肆師職祈或作畿秋官士師職曰凡創

珥則奉犬牲此凡沈辜侯禳飾其牲鄭司農
創珥正字與
祭川爾雅曰祭川曰浮沈辜謂磔牲以祭也
月令曰九門磔禳以畢春氣候禳者候四時

惡氣禳去之也釁邦器及軍器邦器謂禮樂之器及祭器之屬雜記曰凡

宗廟之器其名者成則釁之以豶豚凡師田斬牲以左右徇陳示犯誓

必殺之祭祀禘羞受徹焉

羊人掌羊牲凡祭祀飾羔羔小羊也詩曰四之日其蚤獻羔祭

非祭祀割羊牲登其首登升也升首報凡祈

珥共其羊牲給也賓客共其灋羊灋羊飡饗積膳之羊

凡沈辜侯禳釁積共其羊牲積故書為眡鄭司農云眡讀為

漬謂釁國寶漬軍器也玄謂積積柴裡祀櫛燎實柴若牧人無牲則受

布于司馬使其賈買牲而共之布泉

司燿掌行火之政令四時變國火以救時疾

行猶用也變猶易也鄭司農說以鄒子曰春

取榆柳之火夏取棗杏之火季夏取桑柘之

火秋取柞櫜之火冬取槐檀之火季春出火民咸從之季秋

內火民亦如之火所以用陶治民隨國而為

出火後有災鄭司農云以三月本時昏心星

見于辰上使民出火九月本黃昏心星伏在

秋傳曰以出內火春時則施火令焚萊則

有刑罰焉

野焚萊民擅放火

掌固掌脩城郭溝池樹渠之固頒其士庶子

及其衆庶之守

樹謂枳棘之屬有刺者也衆庶民逸守固者也鄭司農說

樹以國語曰城守之木於是乎用之

設其飾器

兵甲之屬令城郭門之器亦然

分其財用均其稍食

財用國以財所給守吏之用也稍食祿稟任

其萬民用其材器

任謂以其任使之也民之材器其所用塹築及爲藩

落凡守者受灋焉以通守政有移甲與其役

財用唯是得通與國有司帥之以贊其不足

者

凡守者士庶子及他要害之守吏通守政者兵甲役財難易多少轉移相給也其他

非是不得妄離部署國有司掌固也其移之者又與掌固帥致之贊佐也

晝三巡

之夜亦如之

巡行也行守者

夜三鑿以號戒

杜子春云讀鑿爲造次之造謂擊鼓行夜戒守也春秋傳所謂實將趣者與趣與造音相近故曰終夕與燎玄謂鑿擊鑿若造都邑則

警守鼓也三巡之間又三擊鑿

治其固與其守灋

都邑亦

凡國都之竟有溝

樹之固郊亦如之

竟界也

民皆有職焉

職謂守與任

若有山川則因之

山川若穀

司險掌九州之圖以周知其山林川澤之阻

而達其道路周猶徧也達道路者山林之阻則開鑿之川澤之阻則橋梁之

設國之五溝五涂而樹之林以為阻固皆有

守禁而達其道路五溝遂溝洫滄川也五涂徑畛涂道路也樹之林作

藩落也國有故則藩塞阻路而止行者以其屬

守之唯有節者達之有故喪災及兵也閉絕要害之道備奸寇也

掌疆闕

候人各掌其方之道治與其禁令以設候人

道治治道也國語曰候不在竟譏不居其方也禁令備奸寇也以設候人者選士卒以為

之詩云彼候人兮何戈與祓若有方治則帥而致于朝及

歸送之于竟方治其方來治國事者也春秋傳曰晉欒盈過周王使候人出

諸輶轅是其送之

環人掌致師致師者致其必戰之志古者將戰先使勇力之士犯敵焉春秋

傳曰楚許伯御樂伯攝叔為右以致晉師許伯曰吾聞致師者御靡旌摩壘而還樂伯曰

吾聞致師者左射以葢代御執轡御下捩馬掉鞅而還攝叔曰吾聞致師者右入壘折馘

執俘而還皆行察軍慝慝陰姦也視軍中環其所聞而復之

四方之故

卻其以事謀來侵伐者所謂折衝禦侮

巡邦國搏謀

賊為國賊

訟敵國

敵國兵來則往之與訟曲直若齊國佐如師

揚軍旅

為之威武以觀敵詩云惟鷹揚

降圍邑

圍邑欲降

者受而降之春秋傳曰齊人降鄆

挈壺氏掌挈壺以令軍井挈轡以令舍挈畚

以令糧

鄭司農云挈壺以令軍井謂為軍穿井井成挈壺縣其上令軍中士眾皆

望見知此下有井壺所以盛飲故以壺表井挈轡以令舍亦縣轡于所當舍止之處使軍

望見知當舍止于此轡所以駕舍故以轡表舍挈畚以令糧亦縣畚于所當稟假之處令

軍望見知當稟假于此下也畚所以盛糧之器故以畚表稟軍中人多車騎雜會謹囂號令不能相聞故各以其物為表省煩趨疾于事便也

凡軍事縣壺以序

聚櫟凡喪縣壺以代哭者皆以水火守之分

以日夜鄭司農云縣壺以為漏以序聚櫟以次更聚擊櫟備守也玄謂擊櫟兩木

相敲行夜時也代亦更也禮未大歛代哭以水守壺者為沃漏也以火守壺者夜則視刻

數也分以日夜者異晝夜漏也漏之箭晝夜共百刻冬夏之間有長短焉大史立成法有

四箭及冬則以火爨鼎水而沸之而沃之鄭

農云冬水凍漏不下故以火爨水沸以沃之謂沃漏也

射人掌國之三公孤卿大夫之位三公北面

孤東面卿大夫西面其摯三公執璧孤執皮

帛卿執羔大夫鴈位將射始入見君之位不

士不與也燕禮曰公升即位于席西鄉小臣

納卿大夫卿大夫皆入門右北面東上士立

於西方東面北上大射亦云則諸侯在朝則

皆北面詔相其灋謂諸侯來朝而未歸王與

公位法若有國事則掌其戒令詔相其事謂

其禮儀有祭祀之事諸侯當助其薦掌其治達謂諸

獻者也戒令告以齊與期

與王射及助祭而有所治受而以射灋治射

達之於王王有命又受而下之

儀王以六耦射三侯三獲三容樂以騶虞九

節五正諸侯以四耦射二侯二獲二容樂以

狸首七節三正孤卿大夫以三耦射一侯一

獲一容樂以采蘋五節二正士以三耦射狩

侯一獲一容樂以采芡五節二正射法王射

儀謂肆之也鄭司農云三侯虎熊豹也容者

乏也待獲者所蔽也九節析羽九重設於長

杠也正所射也詩云終日射侯不出正兮二

侯熊豹也狩侯狩者獸名也獸有狸豺熊虎

玄謂三侯者五正三正二正之侯也一侯者二正而巳此皆與
三正二正之侯也一侯者二正而巳此皆與
賓射於朝之禮也考工梓人職曰張五采之
侯則遠國屬遠國謂諸侯來朝者也五采之
侯即五正之侯也正之言正也射者內志正
則能中焉畫五正之侯中朱次白次蒼次黃
玄居外三正損玄黃二正去白蒼而畫以朱
綠其外之廣皆居侯中參分之一中二尺今
儒家云四尺曰正二尺曰鵠鵠乃用皮其大
如正此說失之矣大射禮射作干讀如宜射
宜獄之射射胡犬也士與士射則以豸皮飾
侯下大夫也大夫以上與賓射飾侯以雲氣
用采各如其正九節七節五節者奏樂以為
射節之差言節者容侯道之數也樂記曰明
乎其節之志不失其
事則功成而德行立

若王大射則以狸步張

三侯

鄭司農云狸步謂一舉足為一步於今
為半步玄謂狸善搏者也行則止而擬

度焉其發必獲是以量侯道法之也侯道者
各以弓為度九節者九十弓七節者七十弓
五節者五十弓弓之下制長六尺大射禮曰
大侯九十參七十千五十是也三侯者司裘
所共虎侯熊侯豹侯也列國之君大射亦張
三侯數與天子同大侯熊侯也參讀為糝糝
雜也雜者豹鵠而王射則令去侯立于後以
麋飾下天子大夫

矢行告卒令取矢

鄭司農云射人主令人去
侯所而立于後也以矢行

告射人主以矢行高下左右告于王也大射
禮曰大射正立于公後以矢行告于公下曰
留上曰揚左右曰方杜子春說以矢行告告
白射事于王王則執矢也杜子春說不與禮

經合疑非是也卒令取矢謂射卒射人令當
取矢者使取矢也玄謂令去侯者命負侯者
去侯也鄉射曰司馬祭侯則為位祭侯獻服
命獲者執旌以負侯祭侯則為位祭侯獻服
祭侯為位為服不受獻之位也大射與大史
曰服不侯西北三步北面拜受爵

數射中射適階西釋弓去扑襲進由中東立
于中南比射中數射者中侯之筭也大射曰司
面視筭佐司馬治射正射儀也祭祀則

贊射牲相孤卿大夫之灋儀豸嘗之禮有射
郊之事天子必自射其會同朝覲作大夫介
牲今立秋有驅劉云

凡有爵者使公卿有事焉則作大夫使之介
作讀如作止爵之作諸侯來至王

也有爵者命士大師令有爵者乘王之倅車
以上不使賤者倅車戎有大賓客則作卿大夫從
從王見諸

侯戒大史及大夫介戒戒其當行者覲禮曰
諸公奉篋服加命書于

其上升自西階大喪與僕人遷尸作卿大夫
東面大史氏右僕人大僕也僕
掌事比其廬不敬者苛罰之

王之朝位也王崩小歛大歛遷尸于室堂朝
之象也檀弓曰扶君卜人師扶右射人扶左
君薨以是舉苛謂詰問之

服不氏掌養猛獸而教擾之猛獸虎豹熊羆
之屬擾馴也教

習使之馴服王者之教無不服凡祭祀共猛獸謂中膳羞者

春秋傳曰賓客之事則抗皮鄭司農云謂賓客來朝聘布皮

帛者服不氏主舉藏之抗讀為亢其讐之亢玄謂抗者若聘禮曰有司二人舉皮以束

射則贊張侯以旌居乏而待獲禮贊佐也大射

巾車張三侯杜子春云待當為持書亦或為持乏讀為匱乏之乏持獲者所蔽玄謂待獲

待射者中舉旌以獲

射鳥氏掌射鳥鳥謂中膳羞者祭祀以弓矢

歐鳥鳶凡賓客會同軍旅亦如之鳥鳶善鈔盜便汗人

射則取矢矢在侯高則以并夾取之鄭司農

則射鳥氏主取其矢矢在侯高者矢著侯高人手不能及則以并夾取之并夾鉞箭具夾

讀為甲故司弓矢職曰大射燕射共弓矢并夾

羅氏掌羅鳥鳥鳥謂卑居蜡則作羅襦作猶

鄭司農云蜡謂十二月大祭萬物也郊特牲曰天子大蜡謂歲十二月合聚萬物而索饗

之襦細密之羅襦讀為縠有衣袂之縠玄謂蜡建亥之月此時火伏蟄者畢矣豺既祭獸

可以羅罔圍取禽也王制曰豺祭獸然後田又曰昆蟲已蟄可以火田今俗放火張羅其

遺中春羅春鳥獻鳩以養國老行羽物春鳥

始出者若今南郡黃雀之屬是時鷹化為鳩
鳩與春鳥變舊為新宜以養老助生氣行謂
賜賦

掌畜掌養鳥而阜蕃教擾之阜猶盛也蕃蕃

使盛大蕃息者祭祀共外鳥其外可歲時貢

謂鷺鷥之屬鳥物鷓鴣之屬共膳獻之鳥雉及鷄

周禮卷第七

經三千六百一十五字
注七千四百三十二字

周禮卷第八

夏官司馬下

周禮 鄭氏注

司士掌羣臣之版以治其政令歲登下其損

益之數辨其年歲與其貴賤周知邦國都家

縣鄙之數卿大夫士庶子之數損益謂用功
過黜陟者縣

鄙鄉遂之屬故書版為班鄭以詔王治告王
所當

司農云班書或為版版名籍進以德詔爵以功詔祿以能詔事以久奠食

退德謂賢者食稍食也賢者既爵乃祿之能者
事成乃食之王制曰司馬辨論官材論進士

之賢者以告於王而定其論論定然後唯賜

官之任官然後爵之位定然後祿之

無常賜多少由王不正朝儀之位辨其貴賤

之等王南鄉三公北面東上孤東面北上卿

大夫西面北上王族故士虎士在路門之右

南面東上大僕大右大僕從者在路門之左

南面西上此王日視朝事於路門外之位王族故士故為士晚退留宿衛者未嘗仕雖同族不得在王官大右司右司士擯

也大僕從者小臣祭僕御僕隸僕詔王出揖公卿孤卿特揖大夫以其等旅揖

大夫以下朝者

士旁三揖王還揖門左揖門右特揖一一一揖

夫爵同者眾揖之公及孤卿大夫始入門右

皆北面東上王揖之乃就位羣士及故士大

僕之屬發在其位羣士位東面王西南鄉而

揖之三揖者士有上中下王揖之皆送遁既

復位鄭司農云卿大夫士皆君之大僕前

所揖禮春秋傳所謂三揖在下

王視朝王入內朝皆退路門內朝朝者皆退

之位反其官府治處也王之外朝則朝士掌馬玉藻曰朝服以日視朝於內朝朝辨色始入君日出而視之退適路寢聽政使人視大夫大夫退然後適小寢謂諸侯也王日視朝皮弁服其禮掌國中之士治凡其戒令國中掌擯

士者膳其摯

摯士告見初為士者於王也鄭司農云膳其摯者王食其所執

羔鴈之摯玄謂膳者入於王之膳人

凡祭祀掌士之戒令詔相

其灋事及賜爵呼昭穆而進之

賜爵神惠及下也此所賜

王之子姓兄弟祭統曰凡賜爵昭為一穆為一昭與昭齒穆與穆齒凡羣有司皆以齒此

之謂長幼有序帥其屬而割牲羞俎豆

會同作士從賓客亦如之

作士從謂可作士使從於王者

適四方使為介

士使謂自以王命使也介大夫之介也春秋傳曰天王使

石尚來歸賑

大喪作士掌事

事謂奠斂之屬作六軍之士

執披

作謂使之也披極車行所以披持棺者有紐以結之謂之戴鄭司農云披者扶

持棺險者也天子旁十二諸侯旁八大夫六士四玄謂結披必當棺束於束繫紐天子諸

侯載柩三束大夫士二束喪大記曰君纁披六大夫披四前纁後玄士二披用纁人君禮

文欲其數多圍數兩旁言六耳其實旁三凡士之有守者令哭無

去守

守官不可空也國有故則致士而頒其守

故非喪則兵凡邦國三歲則稽士任而進退其爵祿

災所掌

諸子掌國子之倅掌其戒令與其教治辨其

等正其位

故書倅為卒鄭司農云卒讀如物有副倅之倅國子謂諸侯卿大夫

士之子也燕義曰古者周天子之官有庶子官與周官諸子職同文玄謂四民之業而士者亦世焉國子者是公卿大夫士之副貳戒令致於大子之事教治脩德學道也位朝位

國有大事則帥國子而致於大子唯所用之

若有兵甲之事則授之車甲合其卒伍置其

有司以軍灋治之司馬弗正

軍法百人為卒五人為伍弗不

也國子屬大子司馬雖有軍事不賦之

凡國正弗及大祭祀正

六牲之體

正謂牝凡樂事正舞位授舞器

劇大喪正羣子之服位會同賓客作羣子從

從於凡國之政事國子存遊倅使之脩德學

道春合諸學秋合諸射以攷其藝而進退之

遊倅倅之未仕者學大學也射射宮也王制曰春秋教以禮樂冬夏教以詩書王大子王子羣后之大子卿大夫元士之適子國之俊選皆造焉

司右掌羣右之政令

羣右戎右

凡軍旅會同

合比屬謂

合其車之卒伍而比其乘屬其右

次第相安

習也車亦凡國之勇力之士能用五兵者屬

有卒伍

焉掌其政令

勇力之士屬焉者選右當於中司馬法曰弓矢圍及示守戈戟

助凡五兵長以衛短短以救長

虎賁氏掌先後王而趨以卒伍

王出將虎賁士居前後雖

羣行亦軍旅會同亦如之舍則守王閑

有局分

止宿處王在國則守王宮

為周

國有大故則

守王門大喪亦如之

非常之難要在門

及葬從遣車

而哭

遣車王之魂魄所馮依

適四方使則從士大夫

士

從使若道路不通有徵事則奉書以使於四

方

不通逢兵寇若泥水奉書徵師役也春秋隱七年冬戎伐凡伯于楚丘以歸

旅賁氏掌執戈盾夾王車而趨左八人右八

人車止則持輪

夾王車者其下士也下士十有六人中士為之帥焉凡

祭祀會同賓客則服而趨

服而趨夾王車趨也會同賓客王亦

齊服服袞冕則此士之齊服服玄端

喪紀則衰葛執戈盾

葛葛經武

士尚

軍旅則介而趨

介被

節服氏掌祭祀朝覲袞冕六人維王之大常

服袞冕者從王服也維維之以纓王旌十二旒兩兩以纓綴連旁三人持之禮天子旌曳

地鄭司農諸侯則四人其服亦如之郊祀裘

冕二人執戈送逆尸從車也裘冕者亦從尸服

服卒者之上服從車從尸車送逆之往來春秋傳曰晉祀夏郊董伯為尸

方相氏掌蒙熊皮黃金四目玄衣朱裳執戈

揚盾帥百隸而時難以索室歐疫蒙冑也冑熊皮者以

驚歐疫瀉之鬼如今魍魎頭也時難四時作方

也相氏以難卻凶惡也月令季冬命國難索廋

大喪先匱葬使及墓入壙以戈擊四隅歐

方良壙穿地中也方良罔兩也天子之椁柏黃腸為裏而表以石焉國語曰木石之

罔兩怪夔罔兩

大僕掌正王之服位出入王之大命服王舉

衣也位立處也出大命王之教也入大命羣臣所奏行掌諸侯之復逆

鄭司農云復謂奏事也逆謂受下奏王眡朝則前正位而退入

亦如之前正位而退道王王既建路鼓于大

寢之門外而掌其政大寢路寢也其門外則

門下矣政鼓節與早晏以待達窮者與遽令聞鼓聲則

速逆御僕與御庶子鄭司農云窮謂窮寃失職則來擊此鼓以達於

同書八

王若今時上變事擊鼓矣遽傳也若今時驛馬軍書當急聞者亦擊此鼓令聞此鼓聲則速逆御僕與御庶子也大僕主令此二官使速逆窮遽者玄謂達窮者謂司寇之屬朝士掌以肺石達窮民聽其辭以告於王遽令郵驛上下程品御僕庶子直事鼓所者大僕聞鼓聲則速逆此二祭祀賓客喪紀正王之服官當受其事以聞

位詔灋儀贊王牲事

詔告也牲事殺割七載之屬

王出入

則自左馭而前驅

前驅如今道引也道而居左自馭不參乘辟王也亦

有車右焉

凡軍旅田役贊王鼓

王通鼓佐擊其餘面救日月

亦如之

日月食時春秋傳曰非日月之青不鼓

大喪始崩戒鼓

傳達于四方窆亦如之

戒鼓擊鼓以警眾也故書戒為駭鄭司農

云窆謂葬下棺也春秋傳所謂日中而崩禮記謂之封皆葬下棺也音相似窆讀如慶封

汜祭縣喪首服之灋于宮門

首服之法謂免髮笄總廣狹長

短之數縣其書於官門示四方

掌三公孤卿之弔勞

王使王

燕飲則相其灋

相左

王射則贊弓矢

贊謂授

王眡燕朝則正位掌擯相

燕朝朝於路寢之庭王圖宗人之嘉

事則王不眡朝則辭於三公及孤卿

辭謂以

朝之意告之春秋傳曰公有疾不視朔

小臣掌王之小命詔相王之小灋儀

小命時事所勅

問也小法儀趨

掌三公及孤卿之復逆正王

之燕服位

謂燕居時也玉藻曰王卒食玄端而居

王之燕出入

則前驅

燕出入若今游於諸觀苑

大祭祀朝覲沃王盥小

祭祀賓客饗食賓射掌事如大僕之灋

賓射與諸

侯來朝者射

掌士大夫之弔勞凡大事佐大僕

祭僕掌受命于王以眡祭祀而警戒祭祀有

司糾百官之戒具

謂王有故不親祭也祭祀有司有事於祭祀者糾謂

校錄所當共之牲物

既祭帥羣有司而反命以王命勞

之誅其不敬者大喪復于小廟

小廟高祖以下也始祖曰

大廟春秋僖八年秋七月禘于太廟

凡祭祀王之所不與則賜

之禽都家亦如之

鄭司農云王之所不與謂非郊廟尊祭祀則王不與

也則賜之禽公卿自祭其先祖則賜之凡祭禽也玄謂王所不與同姓有先王之廟

凡祭

祀致福者展而受之

臣有祭事必致祭肉於君所謂歸胙也展謂錄

視其牲體數體數者大牢則以牛左肩臂臠折九个小少牢則以羊左肩七个小特牲則以豕

左肩五个

掌其牲之數以辨其與與其甲樂

御僕掌羣吏之逆及庶民之復與其弔勞羣吏

府史大祭祀相盥而登相盥者謂奉槃授中與登謂為王登牲體

於俎特牲饋食禮主人大喪持翼翼棺飾也持之者夾

降盥出舉入乃七載以序守路鼓序更

隸僕掌五寢之埽除糞洒之事五寢五廟之寢也周天子

七廟唯祧無寢詩云寢廟繹繹相連貌也前

曰廟後曰寢汜埽曰埽埽席前曰拚洒灑也

鄭司農云洒當為灑玄謂論語祭祀脩寢於

曰子夏之門人當洒埽應對王行洗乘石鄭司農云

祭寢或有事焉月令凡新物先薦寢廟乘石王所

登上車之石也詩云有扁斯石掌蹕宮中之

事宮中有事則蹕鄭司農云蹕謂止行者清道若今時徹蹕大喪復于小

寢大寢小寢高祖以下廟之寢也始祖曰大寢

弁師掌王之五冕皆玄冕朱裏延紐冕服有六而言

五冕者大裘之冕蓋無旒不聯數也延冕之

覆在上是以名焉紐小鼻在武上笄所貫也

今時冠卷當簪者廣五采繅十有二就皆五

表以冠緹其舊象與采玉十有二玉笄朱紘繅雜文之名也合五

之前後各十二所謂邃延也就成也繩垂於延

間蓋一寸朱紘以朱組為紘也紘一條屬兩端於武纁不言皆有不言者此為袞衣之冕十二旒則用玉二百八十八驚衣之冕纁九旒用玉二百一十六毳衣之冕七旒用玉百六十八希衣之冕五旒用玉百二十玄衣之冕三旒用玉七十二

諸侯之纁 旒九就璿玉三采其餘如王之事纁旒皆就

玉璵玉笄 侯當為公字之誤也三采朱白蒼也其餘謂延紐皆玄覆朱裏與王

同也出此則異纁旒皆就皆三采也每纁九成則九旒也公之冕用玉百六十二玉璵塞

耳者故書璿作璵鄭司農云纁當為藻纁王古字也藻今字也同物同音璵惡玉名

之皮弁會五采玉璵象邸玉笄 故書會作體鄭司農云讀

如馬會之會謂以五采束髮也士喪禮曰擗用組乃笄擗讀與體同書之異耳說曰以組束髮乃著笄謂之擗沛國人謂反紒為體璵讀如綦車轂之綦玄謂會讀如大會之會會

縫中也璵讀如薄借綦之綦綦結也皮弁之縫中每貫結五采玉十二以為飾謂之綦詩

云會弁如星又曰其弁伊綦王之弁經弁而

是也邸下抵也以象骨為之

加環經 弁經王弼所服也其弁如爵弁而素

總之麻經纏而不糾司諸侯及孤卿大夫之

服職曰凡弔事弁經服

冕韋弁皮弁 弁經各以其等為之而掌其禁

令伯纁七就用玉九十八子男纁五就用玉

五十纁玉皆三采孤纁四就用玉三十二三
命之卿纁三就用玉十八再命之大夫藻再
就用玉八藻玉皆朱綠韋弁皮弁則侯伯璫
飾七子男璫飾五玉亦三采孤則璫飾四三
命之卿璫飾三再命之大夫璫飾二玉亦二
采弁經之弁其辟積如冕纁之就然庶人弔
者素委貌一命之大夫冕而無旒士變冕為
爵弁其韋弁皮弁之會無結飾弁經之弁不
辟積禁令者不得相僭踰也玉藻曰君未有
命不敢即乘服不言冠弁冠弁兼於韋弁皮
弁矣不言服弁服弁自
天子以下無飾無等

司甲

闕

司兵掌五兵五盾各辨其物與其等以待軍

事

五盾干櫓之屬其名未盡聞也等謂功沽
上下鄭司農云五兵者戈及戟酋矛夷矛

及授兵從司馬之灋以頒之及其受兵輸亦

如之及其用兵亦如之

從司馬之法令師旅
卒兩人數所用多少

也兵輸謂師還有司還

祭祀授舞者兵

玉戚

大喪廡五兵

故書廡為淫鄭司農云淫
陳也淫讀為廡玄謂廡與

也興作明器之役器五兵也

軍事建車之五

兵會同亦如之

車之五兵鄭司農所云者是
也步卒之五兵則無夷矛而

有弓

矢

司戈盾掌戈盾之物而頒之

分與祭祀授旅

賁及故士戈盾授舞者兵亦如之

亦頒之也故士王族

故士也與旅賁當事則衛王也及如杖長尋有四尺

軍旅會同授貳車

戈盾建乘車之戈盾授旅賁及虎士戈盾

乘車

王所乘車也軍旅則革路會同則金路

及舍設藩盾行則斂之

舍止也藩盾盾可以藩衛者如今之扶蘇與

司弓矢掌六弓四弩八矢之灋辨其名物而

掌其守藏與其出入

法曲直長短之數

中春獻弓弩

中秋獻矢箛

弓弩成於和矢箛成於堅箛盛矢器也以獸皮為之

及其

頒之王弓弧弓以授射甲革楛質者夾弓庾

弓以授射豸侯鳥獸者唐弓大弓以授學射

者使者勞者

王弧夾庾唐大六者弓異體之名也往體寡來體多曰王弧往

體多來體寡曰夾庾往體來體若一曰唐大甲革革甲也春秋傳曰蹲甲而射之質正也

樹楛以為射正射甲與楛試弓習武也豸侯五十步及射鳥獸皆近射也近射用弱弓則

射大侯者用王弧射參侯者用唐大矣學射者弓用中後習強弱則易也使者勞者弓亦

用中遠近可也勞者勤勞王事若晉文侯文公受王弓矢之賜者故書楛為鞞鄭司農云

樞字或為報非是也圍師職曰射則充樞質
又此司弓矢職曰澤共射樞質之弓矢言射
樞質自有弓謂王弧弓也其矢箛皆從其弓
以此觀之言報質者非
從弓數也每弓者一箛百矢
凡弩夾庾利攻守唐大利車
戰野戰攻城壘者與其自守者相迫近弱弩
弩無王弧王弧恒服弦往體少者使矢不疾
凡矢在矢絜矢利火
射用諸守城車戰殺矢鏃矢用諸近射田獵
矰矢第矢用諸弋射恒矢庫矢用諸散射此
矢者弓弩各有四焉在矢殺矢矰矢恒矢弓
所用也絜矢鏃矢第矢庫矢弩所用也在矢

者取名變星飛行有光今之飛矛是也或謂
之兵矢絜矢象焉二者皆可結火以射敵守
城車載前於重後微輕行疾也殺矢言中則
死鏃矢象焉鏃之言候也二者皆可以司候
射敵之近者及禽獸前尤重中深而不可遠
也結繳於矢謂之矰矰高也第矢象焉第之
言刺也二者皆可以弋飛鳥刺羅之也前於
重又微輕行不低也詩云弋鳧與鴈恒矢安
居之矢也庠矢象焉二者皆可以散射也謂
禮射及習射也前後訂其行平也凡矢之制
在後恒矢之屬軒輶中所謂志也鄭司農云
庠矢讀為人罷短之罷玄謂厚讀如痺病之
痺痺之天子之弓合九而成規諸侯合七而
言倫比

成規大夫合五而成規士合三而成規句者

謂之弊弓體往來之衰也往體寡來體多則合多往體多來體寡則合少而圓

弊猶惡也句者凡祭祀共射牲之弓矢射牲

惡則直者善矣殺也殺牲非尊者所親唯射為可國澤共射

語曰禘郊之事天子必自射其牲國澤共射

必先習射於澤澤者所以擇士也巳射大射

於澤而后射於射官射中者得與於祭大射

燕射共弓矢如數并夾如數如當射者之數也每人一弓乘矢并

夾矢大喪共明弓矢喪禮下篇曰用器弓矢

凡師役會同頒弓弩各以其物從授兵甲之

儀物弓弩矢田弋充籠箛矢共矰矢籠竹箛也矰矢

不在箛者為其相凡亡矢者弗用則更更償

繞亂將用乃共之而棄之則不償

繕人掌王之用弓弩矢箛矰弋挾拾鄭司農

所以縱弦也拾者所以引弦也詩云挾拾既

次詩家說或謂挾謂引弦彊也拾謂鞣扞也

玄謂挾挾矢時所以持弦飾也著右手巨指

士喪禮曰挾用正王棘若擇棘則天子用象

骨與鞣扞著左掌詔王射射告王當贊王弓矢

之事

授之受之

凡乘車充其籠箠載其弓弩

充籠箠者

以既射則斂之

斂藏之也詩云彤弓召兮受言藏之

無會計

亡

多少不計

橐人掌受財于職金以齎其工

齎其工者給市財用之直

弓六物為三等弩四物亦如之

三等者上中下人各有所

宜弓人職曰弓長六尺六寸謂之上制上士服之弓長六尺三寸謂之中制中士服之弓

長六尺謂之下制下士服之弩及矢箠長短之制未聞

矢八物皆三等

箠亦如之春獻素秋獻成

矢箠春作秋成

書其等以

饗工

鄭司農云書工功拙高下之等以制其饗食也玄謂饗酒肴勞之也上工作上

等其饗厚下工作下等其饗薄

乘其事試其弓弩以下上其

食而誅賞

鄭司農云乘計也計其事之成功也故書試為考玄謂考之而善則

上其食尤善又賞之否者反此乃入功于司弓矢及繕人

凡齎財與其出入皆在橐人以待會而攷之

亡者闕之

皆在橐人者所齎工之財及弓弩矢箠出入其簿書橐人藏之闕猶

除也弓弩矢箠棄亡者除之計今見在者

戎右掌戎車之兵革使

使謂王使以兵有所誅斬也春秋傳曰戰

於殺晉梁弘御戎萊駒為右戰之明
日襄公縛秦囚使萊駒以戈斬之
詔贊王

鼓既告王當鼓之
傳王命于陳中
為王大言也

同充革車
會同王雖乘金路猶以革路從行
也充之者謂居左也曲禮曰乘君

之乘車不
盟則以玉敦辟盟遂役之
鄭司農云敦器

名也辟法也玄謂將歃血者先執其器為眾
陳其載辭使心皆開辟也役之者傳敦血授

當歃
贊牛耳桃茆
鄭司農云贊牛耳春秋傳

者
減杜子春云減當為厲玄謂尸盟者割牛耳
取血助為之及血在敦中以桃茆拂之又助

之也耳者盛以珠盤尸盟者執之
桃鬼所畏也茆者帝所以埽不祥

齊右掌祭祀會同賓客前齊車王乘則持馬

行則陪乘
齊車金路王自整齊之車也前之
者已駕王未乘之時陪乘參乘謂

車右也齊右與齊僕同車而有祭祀之
事則兼玉路之右然則戎右兼田右與

牲事則前馬
王見牲則拱而式居馬前卻行
備驚奔也曲禮曰國君下宗廟

式齊

道右掌前道車王出入則持馬陪乘如齊車

之儀
道車象路也王
自車上諭命于從車

詔王之車儀
顧式
王式則下前馬王下則以

蓋從

以蓋從表尊

大馭掌馭玉路以祀及犯較王自左馭馭下

祝登受轡犯較遂驅之

行山曰較犯之者封土為山象以苦芻棘

柏為神主既祭之以車轢之而去喻無險難也春秋傳曰跋涉山川自由也王由左馭禁

制馬使不行也故書較作罰杜子春云罰當為較較讀為別異之別謂祖道轢較磔犬也

詩云載謀載惟取蕭祭脂取羝以較詩家說曰將出祖道犯較之祭也聘禮曰乃舍較飲

酒于其側禮家說亦謂道祭

及祭酌僕僕左執轡右祭兩

軹祭軹乃飲

故書軹為軒軹為範杜子春云文當如此左不當重重非是書

亦或如子春言又云軒當作軹軹謂兩轡也其或言較亦非是又云軹當為軹軹謂車軹

前也或讀軒為簪笄之笄

凡馭路行以肆夏趨以采薺

凡馭

路謂五路也肆夏采薺樂章也行謂大寢至路門趨謂路門至應門

凡馭路儀

以鸞和為節

舒疾之法也鸞在衡和在軹皆以金為鈴

戎僕掌馭戎車

戎車革路也師出王乘以自將

掌王倅車之

政正其服

倅副也服謂眾乘戎車者之衣服

犯較如玉路之

儀凡巡守及兵車之會亦如之

如在掌凡戎

車之儀

凡戎車眾之兵車也書序曰武王戎車三百兩

齊僕掌馭金路以賓以待賓客朝覲宗遇饗食皆

乘金路其灋儀各以其等為車送逆之節謂節

王乘車迎賓客及送相去遠近之數上公九十步侯伯七十步子男五十步司儀職曰車送拜辱又曰及出車送

道僕掌馭象路以朝夕燕出入其灋儀如齊

車朝夕朝掌貳車之政令貳亦

田僕掌馭田路以田以鄙田路木路也田田獵也鄙循行縣鄙

掌佐車之政佐亦設驅逆之車驅驅禽使前趨獲逆衙還

之使不出圍令獲者植旌以告獲也及獻比禽田弊

獲者各獻其禽比種物相從次數之凡田王提馬而走諸侯晉

大夫馳提猶舉也晉猶抑也使人扣而舉之抑之皆止奔也馳放不扣

馭夫掌馭貳車從車使車貳車象路之副也從車戎路田路之

副也使車分公馬而駕治之乘調六種之馬

校人掌王馬之政政謂差擇養乘之數辨六

馬之屬種馬一物戎馬一物齊馬一物道馬

一物田馬一物駑馬一物種謂上善似母者以次差之玉路駕

種馬戎路駕戎馬金路駕齊馬象路駕
道馬田路駕田馬駑馬給宮中之役
凡頒

良馬而養乘之乘馬一師四圍三乘為阜阜

一趣馬三阜為繫繫一馭夫六繫為廩廩一

僕夫六廩成校校有左右駑馬三良馬之數

麗馬一圍八麗一師八師一趣馬八趣馬一

馭夫良善也善馬五路之馬鄭司農云四匹為乘養馬為圍故春秋傳曰馬有圍牛

有牧玄謂二耦為乘師趣馬馭夫僕夫帥之名也趣馬下士御夫中士則僕夫上士也自乘至廩其數二百一十六匹易乾為馬此應乾之筴也至校變為言成者明六馬各一廩

而王馬小備也校有左右則良馬一種者四百三十二匹五種合二千一百六十四匹駑馬

三之則為千二百九十六匹五良一駑凡三千四百五十六匹然後王馬大備詩云駉牝

三千此謂王馬之大數與麗耦也駑馬自圍至馭夫凡馬千二十四匹與三良馬之數不

相應八皆宜為六字之誤也師十二匹趣馬七十二匹則馭夫四百三十二匹矣然後而

三之既三之無僕夫者天子十有二閑馬六

不駕於五路卑之也

種邦國六閑馬四種家四閑馬二種降殺之

為一閑諸侯有齊馬道馬田馬大夫有凡馬

田馬各一閑其駑馬則皆分為三焉

特居四之一欲其乘之性相似也物同氣則

心一鄭司農云四之一者三牝

日

春祭馬祖執駒馬祖天駟也孝經說曰房

令近毋猶攻駒也二歲曰駒三歲曰駟玄謂

執猶拘也春通淫之時駒弱血氣未定為其

乘匹傷之先牧始養馬者其夏祭先牧頌馬攻特人未聞夏通淫之

後攻其特為其蹄齧不可乘秋祭馬社臧僕

用鄭司農云攻特謂驟之馬社始乘馬者世本作曰相士作乘馬鄭司

農云臧僕謂簡練馭者令皆善也玄謂僕馭

五路之僕冬祭馬步獻馬講馭夫馬步神為災害

馬於王也馭夫馭貳車凡大祭祀朝覲會同

從車使車者講猶簡習毛馬而頌之頌授當乘之

毛馬而頌之毛馬齊其色也飾幣馬執扑而

從之鄭司農云校人主飾之也幣馬以馬遺

于其前士喪禮下篇曰薦馬纓三就入門北

面交轡圍人夾牽之馭者執策立于馬後

凡賓客受其幣馬賓客之幣馬來大喪飾遣

車之馬及葬埋之言埋之則是馬田獵則帥

驅逆之車帥猶將也凡將事于四海山川則飾黃

駒四海猶四方也王巡守過大山川則有殺

駒以祈沈禮與玉人職有宗祝以黃金勺前馬凡國之使者共其幣馬使者所凡軍事

中舉中宮中之稍食師圍府史以下也鄭見上下

趣馬掌贊正良馬而齊其飲食簡其六節贊也佐正者謂校人臧僕講馭夫之時簡差也節猶量也差擇王馬以為六等

說之頒用馬之第次辨四時之居治以聽馭夫居謂

牧序所處治謂執駒攻特之屬

巫馬掌養疾馬而乘治之相醫而藥攻馬疾

受財于校人乘謂驅步以發其疾知馬死則

使其賈粥之入其布于校人布泉也鄭司農云賈謂其屬官

小吏賈二人粥賣也

牧師掌牧地皆有厲禁而頒之頒馬授圍者所牧處孟

春焚牧焚牧地以除陳生新草中春通淫中春陰陽交萬物生之時

可以合馬之牝牡也月令季春乃合累牛騰馬遊牝于牧秦時書也秦地寒涼萬物後動

掌其政令凡田事贊焚萊焚萊者山澤之虞

庾人掌十有二閑之政教以阜馬佚特教駢

攻駒及祭馬祖祭閑之先牧及執駒散馬耳

圉馬九者皆有政教馬阜盛壯也詩云四牡孔阜杜子春云佚當為逸鄭司農云馬

周禮

受

三歲曰駢二歲曰駒散讀為中散大夫之散謂聒馬耳毋令善驚也玄謂逸者用之不使甚勞安其血氣也教駢始乘習之也攻駒驟其蹄齧者閑之先牧先牧制閑者散馬耳以竹括押其耳頭動搖則括括中物後遂串習不復驚

正校人負選校人謂師

圍也正負選者選馬八尺以上為龍七尺以擇可備負者平之

上為駉六尺以上為馬大小異名爾雅曰駉牝驪牡玄駒裏驂鄭

司農說以月令曰駕蒼龍

圉師掌教圉人養馬春除蓐釁廄始牧夏庠馬冬獻馬射則充楛質茨牆則翦鬮蓐馬茲也馬既

出而除之新釁焉神之也春秋傳曰凡馬日中而出日中而入故字序為訝鄭司農云當為庠玄謂庠廡也廡所以庇馬涼也充猶居也茨蓋也鬮苦也楛質翦鬮圉人所習也杜子春讀楛為齊人言鈇楛之楛楛質所射者習射處

圉人掌養馬芻牧之事以役圉師役者圉師使令馬

凡賓客喪紀牽馬而入陳賓客之馬王所以賜之者詩云雖無

子之路車乘馬喪紀廄馬亦如之廄馬遣車之馬啓後所薦馬

之亦牽而入陳

職方氏掌天下之圖以掌天下之地辨其邦

國都鄙四夷八蠻七閩九貉五戎六狄之人

民與其財用九穀六畜之數要周知其利害

天下之圖如今司空輿地圖也鄭司農云東方曰夷南方曰蠻西方曰戎北方曰貉狄玄

謂閩蠻之別也國語曰閩芋蠻矣四八七九五六周之所服國數也財用泉穀貨賄也利

金錫竹箭之屬害神姦鑄鼎所象百物也爾雅曰九夷八蠻六戎五狄謂之四海乃

辨九州之國使同貫利貫事東南曰揚州其

山鎮曰會稽其澤藪曰具區其川三江其浸

五湖其利金錫竹箭其民二男五女其畜宜

鳥獸其穀宜稻鎮名山安地德者也會稽在山陰大澤曰藪具區五湖在

吳南浸可以為陂灌溉者錫鑷也箭篠也鳥獸孔雀鸞鳩鵲犀象之屬故書箭為晉杜子

春曰晉當為箭書亦或為箭正南曰荊州其山鎮曰衡山

其澤藪曰雲夢其川江漢其浸潁湛其利丹

銀齒革其民一男二女其畜宜鳥獸其穀宜

稻衡山在湘南雲夢在華容潁出陽城宜屬豫州在此非也湛未聞齒象齒也革犀兕

革也杜子春云湛讀當為河南曰豫州其山

鎮曰華山其澤藪曰圃田其川滎雒其浸波

澁其利林漆絲枲其民二男三女其畜宜六

擾其穀宜五種華山在華陰圃田在中年榮

榮榮在榮陽波讀為播禹貢曰榮播既都春

秋傳曰楚子除道梁澁營軍臨隨則澁宜屬

荆州在此非也林竹木也六擾馬正東曰青

州其山鎮曰沂山其澤藪曰望諸其川淮泗

其浸沂沭其利蒲魚其民二男二女其畜宜

雞狗其穀宜稻麥沂山沂水所出也在蓋望

莞二男二女數等似誤也蓋當與兖州同河

二男三女鄭司農云淮或為睢沭或為洙

東曰兖州其山鎮曰岱山其澤藪曰大野其

川河沛其浸盧維其利蒲魚其民二男三女

其畜宜六擾其穀宜四種岱山在博大野在

雍字之誤也禹貢曰雷夏既澤雍沮正西曰

雍州其山鎮曰嶽山其澤藪曰弦蒲其川涇

汭其浸渭洛其利玉石其民三男二女其畜

宜牛馬其穀宜黍稷嶽吳嶽也及弦蒲在汭

大雅公劉曰汭坻之即洛出懷德東北曰幽

鄭司農云弦或為汭蒲或為浦

州其山鎮曰醫無閭其澤藪曰豸養其川河

沛其浸菑時其利魚鹽其民一男三女其畜

宜四擾其穀宜三種醫無閭在遼東豸養在長廣菑出萊蕪時出般

陽四擾馬牛羊豕三種黍稷稻杜子春讀豸為奚河內曰冀州其山

鎮曰霍山其澤藪曰楊紆其川漳其浸汾潞

其利松柏其民五男三女其畜宜牛羊其穀

宜黍稷霍山在彘楊紆所在未聞漳出長子汾出汾陽潞出歸德正北曰

并州其山鎮曰恒山其澤藪曰昭餘祁其川

虜池嘔夷其浸涑易其利布帛其民二男三

女其畜宜五擾其穀宜五種恒山在上曲陽昭餘祁在鄆虜

池出鹵城嘔夷祁夷與出平舒涑出廣昌易出故安五擾馬牛羊犬豕五種黍稷菽麥稻

也凡九州及山鎮澤藪言曰者以其非一曰其大者耳此州界楊荆豫兗雍冀與禹貢略

同青州則徐州地也幽并乃辨九服之邦國

方千里曰王畿其外方五百里曰侯服又其

外方五百里曰甸服又其外方五百里曰男

服又其外方五百里曰采服又其外方五百

里曰衛服又其外方五百里曰蠻服又其外
方五百里曰夷服又其外方五百里曰鎮服
又其外方五百里曰藩服服服事天子也凡
邦國千里封公以方五百里則四公方四百
里則六侯方三百里則七伯方二百里則二
十五子方百里則百男以周知天下以此率
徧知四
海九州邦國多少之數也方千里者為方百
里者百以方三百里之積以九約之得十一
有奇云七伯者字之誤也周九州之界方七
千里七七四十九方千里者四十九其一為

畿內餘四十八州各有方千里者六周公
變殷湯之制雖小國地皆方百里是每事言
則者設法也設法者以待有功而大其封一
州之中以其千里封公則可四又以其千里
封侯則可六又以其千里封伯則可十一又
以其千里封子則可二十五又以其千里封
男則可百公侯伯子男亦不是過也州二百
一十國以男備其數焉其餘以為附庸四海
之封黜陟之功亦如之雖有大國爵稱子而
已鄭司農云此制亦見大司徒職曰諸公之
地方五百里諸侯之地方二百里諸伯之地
方三百里諸子之地方一百里諸男之地方
五十里凡邦國小大相維大國比小國小國事大
國各有屬相維聯也
王設其牧選諸侯之賢者制其職各以其所
為牧使牧理之

能用牧監參伍之屬制其貢各以其所有國之地物

有所王將巡守則戒于四方曰各脩平乃守攷

乃職事無敢不敬戒國有大刑乃猶女也守謂國竟之內

職事所當共具及王之所行先道帥其屬而巡戒令

先道先由王所從道居王殷國亦如之殷猶衆也

十二歲王若不巡守則六服盡朝謂之殷國其戒四方諸侯與巡守同

土方氏掌土圭之法以致日景致日景者夏至景尺有五

寸冬至景丈三尺其間則自有長短以土地相宅而建邦國都

鄙土地猶度地知東西南北之深而相其可居者宅居也以辨土宜土

化之灋而授任地者土宜謂九穀種稗所宜也土化地之輕重糞種

所宜用也任地者載師之屬王巡守則樹王舍為之藩羅

懷方氏掌來遠方之民致方貢致遠物而送

逆之達之以節遠方之民四夷之民也諭德延譽以來之遠物九州之外

無貢法而至者達民以治其委積館舍飲食

旌節達貢物以璽節續食其往來

合方氏掌達天下之道路津梁相湊不得陷絕通其財

利茂遷其同其數器權衡不得壹其度量丈尺

釜鍾不得除其怨惡怨惡邦國同其好善好所

有大小所善謂風俗所高尚

訓方氏掌道四方之政事與其上下之志道猶

言也為王說之四方誦四方之傳道傳道世

諸侯也上下君臣也說往古之事也為王誦之若今論聖德堯舜

之道矣故書傳為傳杜子春云傳當作傳書亦或為傳正歲則布而訓四方布告以教天下而

觀新物四時於新物出則觀之以知民志所

形方氏掌制邦國之地域而正其封疆無有

華離之地杜子春云離當為雜書亦或為雜

孤邪使小國事大國大國比小國比猶親也

離絕先王以建萬國親諸侯

山師掌山林之名辨其物與其利害而頒之

于邦國使致其珍異之物山林之名與物若

桐矣利其中人用者害毒物及螫噬之蟲獸

川師掌川澤之名辨其物與其利害而頒之

于邦國使致其珍異之物川澤之名與物若泗濱浮磬淮夷蠙

珠暨魚澤之荏蒲

邊師掌四方之地名辨其丘陵墳衍邊隰之

名地名謂東原大陸之屬物之可以封邑者物之謂相其土地可

以居民立邑

匡人掌達灋則匡邦國而觀其慝使無敢反

側以聽王命法則入法入則也邦國之官府都鄙亦用焉慝姦偽之惡也反

側猶背違法度也書曰無反無側王道正直

擇人掌誦王志道國之政事以巡天下之邦

國而語之道猶言也以王之志與政事諭說諸侯使不迷惑使萬民

和說而正王面面猶鄉也使民之心曉而正鄉王

都司馬掌都之士庶子及其衆庶車馬兵甲

之戒令庶子卿大夫士之子車馬兵甲備軍發卒以國灋掌其政

學政謂賦稅也學脩德學道以聽國司馬聽者受行其所徵為也國司馬

大司馬之屬皆是家司馬亦如之大夫家臣為司馬者春秋傳曰叔孫

氏之司馬驥戾

周禮卷第八

周禮卷第八

周禮卷第八

甸人辨九土之法

辨九土之法以辨九土之宜

甸人辨九土之法以辨九土之宜

甸人辨九土之法以辨九土之宜

甸人辨九土之法以辨九土之宜

甸人辨九土之法以辨九土之宜

甸人辨九土之法以辨九土之宜

甸人辨九土之法以辨九土之宜

經三千五百二十八字
注七千三百八十三字



